



ს ა ქ ა რ თ ვ ე ლ ო

**საჯარო სამართლის იურიდიული  
პირი - აჭარის კულტურული  
მემკვიდრეობის დაცვის სააგენტოს  
დირექტორის**

**ბრძანება № 5**

3 " თებერვალი " 2011წ.

სსიპ – აჭარის კულტურული მემკვიდრეობის დაცვის სააგენტოს დირექტორის  
სათათბირო ორგანოს – კულტურული მემკვიდრეობის დაცვის საბჭოს საქმიანობის  
წესის დამტკიცების შესახებ

საქართველოს მთავრობის 2010 წლის 21 დეკემბრის N386 დადგენილების შესაბამისად, საჯარო სამართლის იურიდიულ პირს – აჭარის კულტურული მემკვიდრეობის დაცვის სააგენტოს მიენიჭა აჭარის ავტონომიური რესპუბლიკის ადმინისტრაციულ ტერიტორიაზე არსებულ კულტურული მემკვიდრეობის ძეგლზე (გარდა არქეოლოგიური, საკულტო და საფორტიფიკაციო დანიშნულების ობიექტებისა) სამუშაოების ნებართვის გაცემის, შესრულებული სამუშაოების შუალედური და საბოლოო ანგარიშებისა და სამუშაოთა მიღების, სანებართვო პირობების კონტროლისა და ძეგლზე სამუშაოების სანებართვო პირობათა ცვლილებების განხორციელების უფლებამოსილება. ამავე დადგენილების მე-2 პუნქტის შესაბამისად, კულტურული მემკვიდრეობის ძეგლზე სამუშაოების ნებართვის გაცემის საკითხის განხილვის უფლებამოსილება მიენიჭა საჯარო სამართლის იურიდიულ პირში – აჭარის კულტურული მემკვიდრეობის დაცვის სააგენტოში შექმნილ სააგენტოს დირექტორის სათათბირო ორგანოს, რომლის შემადგენლობაც მტკიცდება საქართველოს კულტურისა და ძეგლთა დაცვის სამინისტროსთან შეთანხმებით.

აღნიშნულიდან გამომდინარე, კულტურული მემკვიდრეობის დაცვის საბჭოს საქმიანობის წესის დამტკიცების მიზნით, საქართველოს მთავრობის 2010 წლის 21 დეკემბრის N386 დადგენილებისა და აჭარის ავტონომიური რესპუბლიკის მთავრობის 2010 წლის 16 ნოემბრის №46 დადგენილებით დამტკიცებული საჯარო სამართლის იურიდიული პირის – აჭარის კულტურული მემკვიდრეობის დაცვის სააგენტოს დებულების მე-5 მუხლის შესაბამისად

ვბრძანებ:

1. დამტკიცდეს სსიპ – აჭარის კულტურული მემკვიდრეობის დაცვის სააგენტოს დირექტორის სათათბირო ორგანოს – კულტურული მემკვიდრეობის დაცვის საბჭოს საქმიანობის წესი.
2. ბრძანება ამოქმედდეს გამოქვეყნებისთანავე.

სააგენტოს დირექტორი



სოფიო ლაზიშვილი

**სსიპ – აჭარის კულტურული მემკვიდრეობის დაცვის სააგენტოს დირექტორის  
სათათბირო ორგანოს – კულტურული მემკვიდრეობის დაცვის საბჭოს  
საქმიანობის წესი**

**თავი I  
ზოგადი დებულებები**

**მუხლი 1. გამოყენების სფერო**

სსიპ – აჭარის კულტურული მემკვიდრეობის დაცვის სააგენტოს სათათბირო ორგანოს – კულტურული მემკვიდრეობის დაცვის საბჭოს საქმიანობის წესი (შემდგომში – წესი) შემუშავებულია „ლიცენზიებისა და ნებართვების შესახებ“ საქართველოს კანონის, საქართველოს მთავრობის 2010 წლის 21 დეკემბრის N386 დადგენილებისა და აჭარის ავტონომიური რესპუბლიკის მთავრობის 2010 წლის 16 ნოემბრის №46 დადგენილებით დამტკიცებული საჯარო სამართლის იურიდიული პირის – აჭარის კულტურული მემკვიდრეობის დაცვის სააგენტოს დებულების შესაბამისად. წესი განსაზღვრავს აჭარის ავტონომიური რესპუბლიკის ადმინისტრაციულ ტერიტორიაზე არსებულ კულტურული მემკვიდრეობის ძეგლზე (გარდა არქეოლოგიური, საკულტო და საფორტიფიკაციო დანიშნულების ობიექტებისა) სამუშაოების ნებართვის გაცემის ადმინისტრაციულ წარმოებაში სსიპ – აჭარის კულტურული მემკვიდრეობის დაცვის სააგენტოს დირექტორის (შემდგომში – დირექტორი) სათათბირო ორგანოს – კულტურული მემკვიდრეობის დაცვის საბჭოს (შემდგომში – კულტურული მემკვიდრეობის დაცვის საბჭო) საქმიანობის წესსა და პირობებს.

**თავი II  
კულტურული მემკვიდრეობის დაცვის საბჭო**

**მუხლი 2. კულტურული მემკვიდრეობის დაცვის საბჭოს ფუნქციები**

1. კულტურული მემკვიდრეობის დაცვის საბჭო არის სსიპ – აჭარის კულტურული მემკვიდრეობის დაცვის სააგენტოს დირექტორის სათათბირო ორგანო, რომელიც დაკომპლექტებულია სააგენტოს თანამშრომლებითა და მოწვეული სპეციალისტებით.

2. კულტურული მემკვიდრეობის დაცვის საბჭოს ფუნქციები:

ა) განიხილავს კულტურული მემკვიდრეობის უძრავ ძეგლებზე ჩასატარებელი სამუშაოების საპროექტო დოკუმენტაციას; კომპეტენციის ფარგლებში უძრავ ძეგლზე სამუშაოების ნებართვის გაცემის, მოქმედების შეჩერების, განახლების, გაუქმებისა და მასში ცვლილებების შეტანის საკითხებს;

ბ) განიხილავს კულტურული მემკვიდრეობის მოძრავ ძეგლებზე ჩასატარებელ სამუშაოთა წინადადებებსა და საპროექტო დოკუმენტაციას, მათ სისტემატიზაციასთან დაკავშირებულ სამეცნიერო-მეთოდურ საკითხებსა და

რეკომენდაციებს; კომპეტენციის ფარგლებში, კულტურული მემკვიდრეობის მოძრავ ძეგლზე სამუშაოების ნებართვის გაცემის, მოქმედების შეჩერების, განახლების, გაუქმებისა და მასში ცვლილებების შეტანის საკითხებს;

გ) კომპეტენციის ფარგლებში სწავლობს კულტურული მემკვიდრეობის ძეგლზე მიმდინარე და დასრულებულ სამუშაოთა ანგარიშებს. აგრეთვე განიხილავს ძეგლზე სამუშაოების სანებართვო პირობებში ცვლილებების შეტანის საკითხს.

### **მუხლი 3. კულტურული მემკვიდრეობის დაცვის საბჭოს შემადგენლობა**

1. კულტურული მემკვიდრეობის დაცვის საბჭო საქმიანობას წარმართავს კულტურული მემკვიდრეობის უძრავ და მოძრავ ძეგლთა საბჭოების მეშვეობით, რომელთა შემადგენლობაში შედიან შესაბამისი საბჭოს თავმჯდომარე (შემდგომში – თავმჯდომარე) და წევრები.

2. კულტურული მემკვიდრეობის დაცვის საბჭოს წევრი შეიძლება იყოს როგორც სააგენტოს თანამშრომელი, ასევე მოწვეული სპეციალისტი.

3. კულტურული მემკვიდრეობის დაცვის საბჭოს შემადგენლობასა და წევრთა რაოდენობას, საქართველოს კულტურისა და ძეგლთა დაცვის სამინისტროსთან შეთანხმებით, განსაზღვრავს დირექტორი.

4. კულტურული მემკვიდრეობის დაცვის საბჭო შედგება ორი საბჭოსაგან:

ა) კულტურული მემკვიდრეობის უძრავ ძეგლთა საბჭო;

ბ) კულტურული მემკვიდრეობის მოძრავ ძეგლთა საბჭო.

5. კულტურული მემკვიდრეობის უძრავ ძეგლთა და მოძრავ ძეგლთა საბჭოებს ჰყავს შესაბამისი საბჭოს თავმჯდომარე, რომლებსაც კულტურული მემკვიდრეობის დაცვის საბჭოს შესაბამისი საბჭოს შემადგენლობიდან ნიშნავს დირექტორი.

6. თავმჯდომარის არყოფნის ან მის მიერ უფლებამოსილების განხორციელების შეუძლებლობის შემთხვევაში სხდომის თავმჯდომარის უფლებამოსილებას დროებით ახორციელებს შესაბამისი საბჭოს შემადგენლობიდან არჩეული ერთ-ერთი წევრი.

7. კულტურული მემკვიდრეობის დაცვის საბჭოს მდივანს სააგენტოს თანამშრომელთა შემადგენლობიდან ნიშნავს დირექტორი.

8. კულტურული მემკვიდრეობის დაცვის საბჭოს წევრთა საქმიანობა არ ანაზღაურდება.

### **მუხლი 4. კულტურული მემკვიდრეობის დაცვის საბჭოთა მუშაობის წესი**

1. კულტურული მემკვიდრეობის დაცვის საბჭო მუშაობას წარმართავს უძრავ და მოძრავ საბჭოთა სხდომების მეშვეობით.

2. უძრავ და მოძრავ საბჭოს წევრთა შორის მოვალეობებს ანაწილებს შესაბამისი საბჭოს თავმჯდომარე.



3. შესაბამის საბჭოს წევრს აქვს ერთი ხმის უფლება. საბჭოს სხდომა უფლებამოსილია, თუ მას ესწრება შესაბამისი საბჭოს სრული შემადგენლობის ნახევარზე მეტი.

4. შესაბამისი საბჭო გადაწყვეტილებას იღებს სხდომაზე დამსწრე წევრთა ხმათა უმრავლესობით, ღია კენჭისყრით. ხმების თანაბრად გაყოფის შემთხვევაში თავმჯდომარის ხმა ითვლება გადაწყვეტად.

5. შესაბამისი საბჭოს სხდომა ფორმდება ოქმით, რომელსაც ხელს აწერს სხდომაზე დამსწრე ყველა წევრი და საბჭოს მდივანი.

6. საბჭოს წევრს უფლება აქვს თავისი განსხვავებული აზრი წერილობით დაურთოს ოქმს, რის შესახებაც აღინიშნება ოქმში.

7. უფლებამოსილი პირების მიერ მომზადებული ოქმი და ადმინისტრაციულ-სამართლებრივი აქტის პროექტი წარედგინება დირექტორს.

8. საბჭოს გადაწყვეტილებები დირექტორისათვის სარეკომენდაციო ხასიათისაა.

9. საბჭოს სხდომის ოქმი დირექტორის მიერ საკითხზე საბოლოო გადაწყვეტილების მიღებამდე ინახება მდივანთან, ხოლო გადაწყვეტილების მიღების შემდეგ – სააგენტოს ძეგლებზე ნებართვების გაცემისა და მონიტორინგის განყოფილებაში.

10. საბჭოების სხდომაზე საკითხის სპეციფიკიდან გამომდინარე, საჭიროების შემთხვევაში, სათათბირო ხმის უფლებით, შესაძლოა მოწვეულ იქნენ სხვა პირები.

#### **მუხლი 5. კულტურული მემკვიდრეობის დაცვის საბჭოს მუშაობის ორგანიზაციული საკითხები**

კულტურული მემკვიდრეობის დაცვის საბჭოს მიერ ნებართვის გაცემასთან დაკავშირებული ადმინისტრაციული წარმოების ორგანიზებას, სააგენტოს დირექტორის სათათბირო ორგანოსთან თანამშრომლობას, სხდომაზე გასატანი საკითხების მომზადებას, სხდომების მოწვევას, დღის წესრიგის შედგენას და ადმინისტრაციული წარმოების შედეგად მიღებული გადაწყვეტილების თაობაზე შესაბამისი ადმინისტრაციულ-სამართლებრივი აქტის პროექტის მომზადებას უზრუნველყოფს სააგენტოს ძეგლებზე ნებართვების გაცემისა და მონიტორინგის განყოფილება.

#### **მუხლი 6. კულტურული მემკვიდრეობის დაცვის საბჭოს უძრავ და მოძრავ ძეგლთა საბჭოს ფუნქციები**

1. კულტურული მემკვიდრეობის უძრავ ძეგლთა საბჭო იხილავს:

ა) კულტურული მემკვიდრეობის უძრავ ძეგლებზე ჩასატარებელი სამუშაოების საპროექტო დოკუმენტაციას; კომპეტენციის ფარგლებში უძრავ ძეგლზე სამუშაოების ნებართვის გაცემის, მოქმედების შეჩერების, განახლების, გაუქმებისა და მასში ცვლილებების შეტანის საკითხებს;

ბ) კომპეტენციის ფარგლებში კულტურული მემკვიდრეობის უძრავ ძეგლებზე მიმდინარე და დასრულებულ სამუშაოთა ანგარიშებს.

2. კულტურული მემკვიდრეობის მოძრავ ძეგლთა საბჭო იხილავს:

ა) კულტურული მემკვიდრეობის მოძრავ ძეგლებზე ჩასატარებელ სამუშაოთა წინადადებებსა და საპროექტო დოკუმენტაციას, მათ სისტემატიზაციასთან დაკავშირებული სამეცნიერო-მეთოდურ საკითხებსა და რეკომენდაციებს; კომპეტენციის ფარგლებში, კულტურული მემკვიდრეობის მოძრავ ძეგლზე სამუშაოების ნებართვის გაცემის, მოქმედების შეჩერების, განახლების, გაუქმებისა და მასში ცვლილებების შეტანის საკითხებს;

ბ) კომპეტენციის ფარგლებში კულტურული მემკვიდრეობის მოძრავ ძეგლებზე მიმდინარე და დასრულებულ სამუშაოთა ანგარიშებს.

### თავი III

#### დასკვნითი დებულებანი

მუხლი 7. წესში ცვლილებებისა და დამატებების შეტანის წესი

წესში ცვლილებები და დამატებები შეიძლება შეტანილ იქნეს კანონმდებლობით დადგენილი წესით.

**სსიპ – აჭარის კულტურული მემკვიდრეობის დაცვის სააგენტოს დირექტორის  
სათათბირო ორგანოს – კულტურული მემკვიდრეობის დაცვის საბჭოს საქმიანობის  
წესის დამტკიცების შესახებ**

საქართველოს მთავრობის 2010 წლის 21 დეკემბრის N386 დადგენილების შესაბამისად, საჯარო სამართლის იურიდიულ პირს – აჭარის კულტურული მემკვიდრეობის დაცვის სააგენტოს მიენიჭა აჭარის ავტონომიური რესპუბლიკის ადმინისტრაციულ ტერიტორიაზე არსებულ კულტურული მემკვიდრეობის ძეგლზე (გარდა არქეოლოგიური, საკულტო და საფორტიფიკაციო დანიშნულების ობიექტებისა) სამუშაოების ნებართვის გაცემის, შესრულებული სამუშაოების შუალედური და საბოლოო ანგარიშებისა და სამუშაოთა მიღების, სანებართვო პირობების კონტროლისა და ძეგლზე სამუშაოების სანებართვო პირობათა ცვლილებების განხორციელების უფლებამოსილება. ამავე დადგენილების მე-2 პუნქტის შესაბამისად, კულტურული მემკვიდრეობის ძეგლზე სამუშაოების ნებართვის გაცემის საკითხის განხილვის უფლებამოსილება მიენიჭა საჯარო სამართლის იურიდიულ პირში – აჭარის კულტურული მემკვიდრეობის დაცვის სააგენტოში შექმნილ სააგენტოს დირექტორის სათათბირო ორგანოს, რომლის შემადგენლობაც მტკიცდება საქართველოს კულტურისა და ძეგლთა დაცვის სამინისტროსთან შეთანხმებით.

აღნიშნულიდან გამომდინარე, კულტურული მემკვიდრეობის დაცვის საბჭოს საქმიანობის წესის დამტკიცების მიზნით, საქართველოს მთავრობის 2010 წლის 21 დეკემბრის N386 დადგენილებისა და აჭარის ავტონომიური რესპუბლიკის მთავრობის 2010 წლის 16 ნოემბრის №46 დადგენილებით დამტკიცებული საჯარო სამართლის იურიდიული პირის – აჭარის კულტურული მემკვიდრეობის დაცვის სააგენტოს დებულების მე-5 მუხლის შესაბამისად

**ვებრძანებ:**

1. დამტკიცდეს სსიპ – აჭარის კულტურული მემკვიდრეობის დაცვის სააგენტოს დირექტორის სათათბირო ორგანოს – კულტურული მემკვიდრეობის დაცვის საბჭოს საქმიანობის წესი.
2. ბრძანება ამოქმედდეს ხელმოწერისთანავე.

სააგენტოს დირექტორი

სოფიო ლაზიშვილი

**სსიპ – აჭარის კულტურული მემკვიდრეობის დაცვის სააგენტოს დირექტორის  
სათათბირო ორგანოს – კულტურული მემკვიდრეობის დაცვის საბჭოს საქმიანობის  
წესის დამტკიცების შესახებ**

საქართველოს მთავრობის 2010 წლის 21 დეკემბრის N386 დადგენილების შესაბამისად, საჯარო სამართლის იურიდიულ პირს – აჭარის კულტურული მემკვიდრეობის დაცვის სააგენტოს მიენიჭა აჭარის ავტონომიური რესპუბლიკის ადმინისტრაციულ ტერიტორიაზე არსებულ კულტურული მემკვიდრეობის ძეგლზე (გარდა არქეოლოგიური, საკულტო და საფორტიფიკაციო დანიშნულების ობიექტებისა) სამუშაოების ნებართვის გაცემის, შესრულებული სამუშაოების შუალედური და საბოლოო ანგარიშებისა და სამუშაოთა მიღების, სანებართვო პირობების კონტროლისა და ძეგლზე სამუშაოების სანებართვო პირობათა ცვლილებების განხორციელების უფლებამოსილება. ამავე დადგენილების მე-2 პუნქტის შესაბამისად, კულტურული მემკვიდრეობის ძეგლზე სამუშაოების ნებართვის გაცემის საკითხის განხილვის უფლებამოსილება მიენიჭა საჯარო სამართლის იურიდიულ პირში – აჭარის კულტურული მემკვიდრეობის დაცვის სააგენტოში შექმნილ სააგენტოს დირექტორის სათათბირო ორგანოს, რომლის შემადგენლობაც მტკიცდება საქართველოს კულტურისა და ძეგლთა დაცვის სამინისტროსთან შეთანხმებით.

აღნიშნულიდან გამომდინარე, კულტურული მემკვიდრეობის დაცვის საბჭოს საქმიანობის წესის დამტკიცების მიზნით, საქართველოს მთავრობის 2010 წლის 21 დეკემბრის N386 დადგენილებისა და აჭარის ავტონომიური რესპუბლიკის მთავრობის 2010 წლის 16 ნოემბრის №46 დადგენილებით დამტკიცებული საჯარო სამართლის იურიდიული პირის – აჭარის კულტურული მემკვიდრეობის დაცვის სააგენტოს დებულების მე-5 მუხლის შესაბამისად

**ვბრძანებ:**

1. დამტკიცდეს სსიპ – აჭარის კულტურული მემკვიდრეობის დაცვის სააგენტოს დირექტორის სათათბირო ორგანოს – კულტურული მემკვიდრეობის დაცვის საბჭოს საქმიანობის წესი.
2. ბრძანება ამოქმედდეს ხელმოწერისთანავე.

სააგენტოს დირექტორი

სოფიო ლაზიშვილი